

Pravila privatnosti

1. Uvodne napomene

Imajući u vidu da je donešen novi Zakon o zaštiti ličnih podataka („Sl. glasnik BiH“ broj 12/25) i da je Centralna izborna komisija Bosne i Hercegovine posvećena zaštiti privatnosti, povjerljivosti i bezbjednosti ličnih podataka lica čije lične podatke obrađuje u okviru postupaka koje provodi, donosi Pravila privatnosti.

Cilj Pravila privatnosti je da licima koja se obraćaju ovoj instituciji, te licima čije podatke obrađuje prilikom provedbe odredbi Izbornog zakona BiH, Zakona o finansiranju političkih stranaka, odgovarajuće odredbe iz Zakona o Vijeću ministara BiH i Zakona o Agenciji za prevenciju korupcije i koordinaciju borbe protiv korupcije, pruži najosnovnije principe i informacije o zaštiti podataka sa kojima raspolaže.

2. Svrha i pravni osnov za obradu ličnih podataka

Centralna izborna komisija Bosne i Hercegovine obrađuje lične podatke izvršavajući svoje nadležnosti i ovlaštenja propisane zakonom. Navedene nadležnosti i ovlaštenja uključuju:

- vođenje Centralnog biračkog spiska i Izvoda iz Centralnog biračkog spiska
- obrada prijava birača za glasanje iz inostranstva
- obrada prijave za kandidiranje na izborima i izbornih lista
- verifikacija biračkog prava
- rješavanje izbornih prigovora i žalbi
- izdavanje uvjerenja
- vođenje evidencija
- komunikacija s biračima, kandidatima i političkim subjektima
- nadzor nad finansiranjem političkih stranaka i nezavisnih kandidata (kontrola izvora finansiranja i finansiranja troškova izborne kampanje)

Ispunjavajući svoje zakonske obaveze, Centralna izborna komisija Bosne i Hercegovine, u skladu sa legislativom, obrađuje lične podatke, te vodi personalne evidencije o zaposlenim u Centralnoj izornoj komisiji Bosne i Hercegovine.

Kategorije ličnih podataka koje obrađuje Centralna izborna komisija Bosne i Hercegovine uključuje: ime i prezime, JMB, ID, adresa prebivališta/boravišta, kontakt podaci, podaci o prebivalištu u inostranstvu (za birače koji svoje biračko pravo ostvaruju glasanjem izvan BiH), podaci o nacionalnoj pripadnosti.

Podatke s kojima raspolaže, Centralna izborna komisija Bosne i Hercegovine obrađuje na način da lični podaci o pojedinom korisniku ne budu dostupni trećim licima izuzev u slučajevima predviđenim Zakonom, bilo da se pojedini podaci ne objavljuju javno na internet stranici, bilo da se ne daju kroz odgovore po zahtjevima za slobodan pristup informacijama.

Pristup pojedinim podacima koristeći JMB je moguć samo lično korisniku koji provjerava svoje podatke.

Lične podatke korisnika Centralna izborna komisija Bosne i Hercegovine obrađuje ispunjavajući obaveze u skladu sa Izbornim zakonom BiH, Zakonom o finansiranju političkih stranaka, odgovarajućom odredbom iz Zakona o Vijeću ministara BiH i Zakona o Agenciji za prevenciju korupcije i koordinaciju borbe protiv korupcije, uz istovremeno uvažavanje odredbi Zakona o zaštiti ličnih podataka.

3. Principi zaštite ličnih podataka

Centralna izborna komisija Bosne i Hercegovine lične podatke korisnika koje pribavlja, obrađuje i čuva, mora da:

- obezbjedi od neovlaštenog pristupa trećih lica
- koristi na zakonit i transparentan način
- obezbjedi tačnost unešenih podataka
- čuva podatke samo onoliko koliko je potrebno za izvršavanje zakona, odnosno u skladu sa rokovima čuvanja utvrđenim Listom kategorija registraturne građe s rokovima čuvanja u Centralnoj izbornoj komisiji BiH.

4. Vaša prava u vezi obrade ličnih podataka

Ova prava obuhvataju:

- pristup vašim ličnim podacima
- ispravku netačnih podataka
- pravo podnošenja prigovora na obradu u skladu sa Zakonom o zaštiti ličnih podataka
- pravo podnošenja žalbe Agenciji za zaštitu ličnih podataka BiH u skladu sa Zakonom o zaštiti ličnih podataka

5. Uvid u vaše podatke treće strane

U cilju održavanja, servisiranja i sl. može se dopustiti pristup osobama iz spoljnjih firmi i ustanova (pružaocima informaciono-komunikacionih usluga), a na taj način treća strana može imati uvid u Vaše lične podatke, iz kojih razloga Centralna izborna komisija Bosne i Hercegovine, ugovorom obavezuje treću stranu na čuvanje povjerljivih informacija s kojima dođe u dodir pri obavljanju posla.

Po zahtjevu pravnih i fizičkih lica, kao treće strane, vaše podatke može dati samo uz vašu saglasnost, a bez saglasnosti samo ako to zahtjeva javni interes odnosno sudovi za sudske postupke i ako je to neophodno na osnovu međunarodnih propisa koji obavezuju Bosnu i Hercegovinu.

6. Sigurnost ličnih podataka

Centralna izborna komisija Bosne i Hercegovine posvećena je zaštiti ličnih podataka koje prikuplja odnosno obezbjeđuje, a da ne bi došlo do neovlašćene upotrebe i pristupa trećih lica, primjenjuje odgovarajuće tehničke, fizičke ili administrativne mjere i kontrole za zaštitu vaših ličnih podataka. To se obezbjeđuje prevashodno na način da je pristup ličnim podacima ograničen na zaposlene kojima su predmetni podaci potrebni, a podaci se obrađuju na način kojim se osigurava odgovarajuća sigurnost i povjerljivost, kao i zakonita obrada ličnih podataka.

Svi zaposleni u Centralnoj izornoj komisiji Bosne i Hercegovine dužni su potpisati Izjave o pristupu informacionom sistemu Centralne izborne komisije Bosne i Hercegovine, a koja zaposlenog između ostalog obavezuje da povjerljive informacije sadržane u bilo kom predmetu, a koji se odnose na lične podatke fizičkog lica, ni pod kojim uvjetima neće otkrivati drugim pravnim i fizičkim licima.

7. Vremenski period čuvanja ličnih podataka

Centralna izborna komisija BiH vaše lične podatke obrađuje u vremenskom periodu potrebnom za ispunjenje svrhe obrade ličnih podataka. Nakon prestanka svrhe za koju su prikupljeni, vaši podaci se ne koriste i ne mogu se davati ni trećim licima. Dokumentacija sa podacima se uništava nakon proteka roka za čuvanje arhivske građe, propisanog Listom kategorija registraturne građe s rokovima čuvanja u Centralnoj izornoj komisiji BiH.

8. Ažuriranje Pravila privatnosti

Centralna izborna komisija BiH će po potrebi ažurirati Pravila privatnosti.

9. Identitet i kontakt kontrolora

Centralna izborna komisija Bosne i Hercegovine

Sjedište: Danijela Ozme br. 7, 71000 Sarajevo, BiH

Telefon: +387 33 251 300

Email: info@izbori.ba

Web stranica: www.izbori.ba

10. Kontakt osoba za zaštitu ličnih podataka

Email: szlop@izbori.ba

Telefon: +387 33 251 300 (lokal 372)